

李文恭公遺集

李文恭公奏議卷二目錄

湘陰李星沅石梧著

男概編次

榛

兩司

奏謝兼署河南臬司篆務摺子

奏謝升授陝西按察使并請

陞見摺子

恭報到省日期及署理藩篆摺子

附奏由京抵陝所過地方情形片子

恭報到陝西按察使任摺子

奏謝調補四川按察使摺子

恭報到四川按察使任摺子

附奏由陝抵川所過地方情形片子

奏謝調補江蘇按察使并請

陛見摺子

恭報到江蘇按察使任摺子

附奏由京抵蘇所過地方情形片子

奏謝升授江西布政使并請

陞見摺子

奏謝調補江蘇布政使并接篆日期摺子

附奏糧臺事宜片子

恭報兼理江蘇臬司篆務摺子

奏謝升授陝西巡撫并請

陞見摺子

奏謝兼署河南臬司篆務摺子

奏爲恭報

微臣

兼署臬篆日期叩謝

天恩仰祈

聖鑒事竊

臣

於本年六月二十一日接奉護理河南巡

撫

臣

鄂順安行知

奏委兼署河南按察使并准署臬司張坦將印信文  
卷委員移交前來當卽恭設香案望

闕叩頭祇領任事訖伏念

臣

湘南下士供職詞曹疊

荷

聖主恩施。畀以衡文重任。嗣由廣東學政任滿回京。復蒙

恩特用知府旋擢道員受事以來。涓埃未報。荆衷循省。兢惕方深。茲復奉委兼署臬司印務。查臬司爲刑名總匯。豫省爲四達衝途。執法必尙嚴明。緝匪尤關緊要。臣惟有隨時黽勉。遇事講求。矢慎矢勤。力圖整飭。不敢以暫時兼署稍涉因循。以期仰答

高厚鴻慈於萬一所有微臣兼署臬司日期并感悚下

忱理合繕摺恭謝

天恩伏乞

皇上聖鑒謹

奏 道光十九年六月二十四日具

奏奉

硃批勿失書生本色一切公事最忌虛浮慎之勉之勿

自棄之欽此

奏謝升授陝西按察使并請

陛見摺子

奏爲恭謝

天恩仰祈

聖鑒事竊臣督運河南十九年糧石前抵通州交竣由

陸回署行至保定府途次接閱邸抄四月二十五

日奉

上諭陝西按察使員缺著李星沅補授欽此祇領之下



感悚難名伏念臣南楚樗材毫無知識道光十二

年甫成進士備員詞館疊邀

簡任文衡十八年二月由廣東學政任滿回京復蒙

恩特用知府旋擢道員十九年六月

奏報兼署河南臬篆仰荷

殊批訓勉於一切公事常懼稍涉虛浮卽同自棄昕宵

兢業未效涓埃茲復渥受

鴻施畀以提刑重任拊衷循省怵惕逾深查關中訟獄

較繁臬司刑名總匯不徇情乃無屈法必執法始  
可平情糾吏安民非臣愚所克負荷惟有趨叩

闕廷籲求

恩訓俾得確有遵守藉以勉副

生成再河南糧道押運赴通向係帶印出省容臣順道

回汴交卸合併陳明所有微臣感激下忱謹繕摺

具

奏恭謝

天恩卽於拜發後迎摺北上伏乞

皇上聖鑒謹

奏 道光二十年五月初二日具

奏奉

硃批准來見欽此

恭報到省日期及署理藩篆摺子

奏爲恭報

微臣

到省日期及署理藩篆叩謝

天恩仰祈

聖鑒事竊

臣

於本年四月二十五日奉

旨補授陝西按察使當經趨叩

天廷疊蒙

召見仰沐

聖慈垂訓指示肫詳跪領之餘彌滋感激遵卽束裝就

道於六月十八日行抵陝西省城接奉撫臣富呢

揚阿行知

奏委署理陝西布政使并准署藩司梁寶常將印信  
文卷委員移交前來當卽恭設香案望

闕叩頭祇領任事訖伏念臣起家寒素供職詞曹渥

荷

鴻慈特加

簡擢方懼提刑重任負荷未遑值茲暫領藩條拊躬逾

深兢惕查關中幅隕遼廓錢穀較繁非用人無以理財非正己無以率屬至南北山一帶地當邊要撫循儲蓄必須因時制宜如臣顓蒙曷克勝任惟有恪遵

恩訓嚴絕虛浮隨同撫

臣

遇事整飭斷不敢暫時權篆

稍涉因循尤不敢日久歧趨漸染習氣以期上副

高厚生成於萬一所有

微臣

到省日期及署理藩篆謹

繕摺具

奏恭謝

天恩伏乞

皇上聖鑒謹

奏  
道光二十年六月十九日具

奏奉

硃批知道了欽此

附奏由京抵陝所過地方情形片子

再臣此次經過地方保定以南陸續得雨二麥尙

屬有秋。河北雨澤稍遲麥收未免較歉亦經補種  
雜糧由河南至陝西春夏以來甘霖應候芄生徧  
野一律青葱民情極爲安悅洵足仰慰

聖懷合併陳明謹

奏

硃批覽欽此



恭報到陝西按察使任摺子

奏爲恭報微臣到任日期叩謝

天恩仰祈

聖鑒事竊臣於本年四月渥蒙

恩命補授陝西按察使祇領

聖訓後遵卽束裝出都六月十八日行抵西安省城接

奉撫臣富呢揚阿行知

奏委署理陝西布政使當經恭摺陳明在案茲於十

月二十日交卸藩司印務卽准署臬司羅繞典將  
印信文卷移交前來

臣謹恭設香案望

闕叩頭祇領任事訖伏查臬司爲刑名總匯衡情執  
法風紀所關矧秦中邊要之區漢回雜處南北山  
一帶林深徑僻宵小尤易潛踪除暴安良責任綦

重如

臣禱昧疊荷

鴻施暫綰藩條毫無報稱茲當陳臬伊始撫躬彌切冰  
兢惟有實力奉公虛心研律凡地方一切案件隨

時稟商撫

臣

認真審辦務俾無枉無縱以冀勉副

生成○所有

微臣

到任日期并感悚下忱理合具摺恭謝

天恩伏乞

皇上聖鑒謹

奏  
道光二十年十月二十二日具

奏奉

硃批知道了欽此

奏謝調補四川按察使摺子

奏爲恭謝

天恩仰祈

聖鑒事竊

臣

於道光二十年十二月二十九日接奉撫

臣

富呢揚阿行知奉

上諭朱士達著調補陝西按察使李星沅著調補四川

按察使李星沅著卽赴新任毋庸來京請訓欽此祇

聆之下感悚難名伏念

臣

湘南下士。供職詞曹。渥

荷

隆施屢司文柄旋蒙

恩特用知府游歷道員上年四月

簡任陝西按察使受事以來涓埃未效茲復恭膺

異命調補四川查川省刑名繁劇倍於他省重以地當

邊要山徑叢深緝匪必尙嚴明防夷更宜靜密

臣

前奉

命典試於該省情形雖經畱心咨訪一切實多未諳任

鉅力微勉持風紀。惟懼弗克報稱。上負  
生成。瞻戀。

鴻慈。彌滋惕勵。現俟撫臣委署有人。卽行交卸篆務。前

赴新任。所有微臣感悚下忱。謹繕摺恭謝。

天恩。伏乞

皇上聖鑒。謹

奏。道光二十一年正月初二日具

奏奉

殊批知道了欽此

恭報到四川按察使任摺子

奏爲恭報

微臣

到省接篆日期仰祈

聖鑒事竊

臣

於上年十二月二十九日由陝西按察使

奉

旨調補四川按察使當經具摺恭謝

天恩旋即交卸起程茲於三月初三日行抵川省准署

臬司英文將印信文卷委員移交前來

臣

謹恭設

香案望



闕叩頭祇領仕事訖查四川地廣人稠漢吏接壤刑  
名夙稱繁劇現值核辦秋審起數較多按律衡情

尤關緊要

臣

渥蒙

簡調感激

鴻施深懼弗克勝任惟有虛心講求實力整飭隨時隨

事稟商督

臣

認真辦理斷不敢漸染習氣畏難苟

安以期勉酬

高厚生成於萬一所有

微臣

到任日期并感悚下忱理

合繕摺具

奏伏乞

皇上聖鑒謹

奏 道光二十一年三月初三日具

奏奉

硃批知道了欽此

附奏由陝抵川所過地方情形片子

再臣道經南山一帶土膏積潤麥秀滋生地方極

爲安靜入蜀後腴田彌望東作方勤適逢雨澤優  
霑豆苗亦均暢發糧價平減民情欣悅洵足仰慰

聖懷謹

奏

硃批覽欽此

奏謝調補江蘇按察使並請

陛見摺子

奏爲恭謝

天恩仰祈

聖鑒事竊

臣

於本年六月初二日接奉督

臣

寶興行知

五月初十日奉

上諭江蘇按察使員缺著李星沅調補欽此祇悉之下

感悚難名伏念

臣

湘南下士供職詞垣渥邀

聖主鴻施俯加擢用上年四月由河南糧鹽道奉

旨升授陝西臬司當經瞻覲

天顏備領

恩訓抵任半載卽蒙

簡調四川臬司毚勉昕宵方深兢惕茲復

溫綸三錫調補江蘇以東南繁劇之區當整飭海防之

際詰奸糾慝責在提刑臣本顓愚游膺鉅任彌懼

弗克稱職上負

生成惟有趨叩

闕廷籲求

慈誨俾得服膺循省益矢公勤以冀仰酬

高厚於萬一所有微臣感悚下忱謹繕摺恭謝

天恩伏乞

皇上聖鑒訓示謹

奏  
道光二十一年六月初六日具

奏奉

硃批著來見欽此

恭報到江蘇按察使任摺子

奏爲恭報

微臣

到任日期叩謝

天恩仰祈

聖鑒事竊

臣

由四川臬司蒙

恩調補江蘇臬司十月初旬遵

旨入覲渥荷

鴻慈逾格訓勉周詳復奉

諭馳驛赴任跪聆之下感悚難名遵卽由驛兼程因途

李文恭公奏議

卷二

兩司

十七



中雨雪稍稽茲於十一月初三日行抵蘇州省城  
准署臬司黃恩彤將印信文卷委員移交前來  
臣  
謹恭設香案望

闕叩頭祇領任事訖伏念  
臣  
湘楚菲材。備員詞館。仰  
邀

聖主恩遇。由編修

特用知府淳擢臬司。復於一歲之中三奉

溫綸簡調。查大江南北。刑案較繁。均由臬司滙核。近以

浙東有事軍書遄速驛務孔殷且商民鱗集之區  
當兵糧踵接之會瞬值天寒歲晚誠恐宵小潛踪  
防範稽查尤關緊要臣質原迂鈍地復生疎撫躬  
倍深兢惕惟有恪循

恩訓殫竭愚誠懷體用之宜兼矢初終而如一斷不敢  
漸染習氣致涉虛浮以冀勉酬

高厚所有

微臣

到任日期並感悚下忱理合繕摺具

奏恭謝

天恩伏乞

皇上聖鑒謹

奏 道光二十一年十一月初四日具

奏奉

硃批知道了欽此

附奏由京抵蘇所過地方情形片子

再臣此次出京經過直隸山東地方二麥蟠根生

蔬滋潤沂州府一帶雪澤初霑雨復深透入江南  
境以後雨雪亦均優渥民情十分安謐洵足仰慰

聖懷合併附陳謹

奏

硃批覽欽此

奏謝升授江西布政使並請

陞見摺子

奏爲恭謝

天恩籲請

陞見事竊

臣

於本年十二月二十四日接奉署撫

臣行

知十二月初十日內閣奉

上諭江西布政使著李星沅補授欽此祇領之下悚感

難名伏念

臣

湘楚菲材備員詞館仰邀

聖主特達之知。疊畀衡文重任。旋蒙

恩特用知府。洊歷臬司。本年六月由四川調補江蘇十  
月遵

旨入

覲。凡明體達用之要。慎終如始之操。備沐

鴻慈。俯加指示。服膺循省。感奮交縈。抵任以來。正值籌

辦糧臺。防堵海口。

臣

以情形未熟。報稱維殷。拊躬

方深惕勵。茲復渥膺

申命擢授江西藩司查江西爲政繁地瘠之區藩司有  
理財用人之責又當粵東孔道因時籌備務協機  
宜尤非駑駘所克負荷可否籲求

恩旨容臣載叩

闕廷跪聆

慈訓俾得黽勉遵守殫竭愚誠以冀上酬

高厚於萬一所有

微臣

悚感下忱謹繕摺具

奏恭謝

天恩伏乞

皇上聖鑒訓示謹

奏 道光二十一年十二月二十七日具

奏奉

硃批復調任江蘇正值有事之秋速行接印任事欽此



奏謝調補江蘇布政使並接篆日期摺子

奏爲恭報

微臣

調任接篆日期叩謝

天恩仰祈

聖鑒事竊

臣

於本年正月初八日接奉撫

臣

行知二十

一年十二月二十六日內閣奉

上諭江蘇巡撫著程喬采補授江蘇布政使著李星沅

調補均著無庸來京請訓等因欽此遵卽於初九

日准署藩司黃恩彤將印信文卷委員移交前來

臣謹恭設香案望

闕叩頭祇領視事訖伏念臣湘南下士供職詞曹渥

蒙

特賁鴻施俯加

簡擢上年十二月由江蘇臬司奉

旨補授江西藩司甫經具摺請

覲茲復疊邀

寵眷調補江蘇聞

命自天悚息無地查江蘇錢賦之繁甲於天下大局頗  
患積疲頻年水潦偏災民隱尤須體察全在地方  
官實心撫字經畫得宜俾元氣日固於中則奸萌  
自絕於外故安民必先察吏而用人卽兼理財

臣

本庸愚海膺艱鉅彌懼弗克勝任惟有竭誠匪懈  
矢念無欺不畏難以苟安不避嫌以瞻顧庶幾勉

圖整飭上副

高厚生成於萬一所有

微臣

調任接篆日期并感悚下

忱理合繕摺恭謝

天恩伏乞

皇上聖鑒謹

奏 道光二十二年正月初十日具

奏奉

硃批知道了欽此

附奏糧臺事宜片子

再蘇州省城自設後路糧臺以來一應軍火器械  
均經臣會同局員遵照揚威將軍札飭上緊如法  
製造呈送現值大兵進剿尤宜妥速預籌務使工  
費不浮而於事機無誤所有寄庫浙餉自當小心  
存貯隨時遴員護解至本省防堵經費容臣詳慎  
鈎稽以期撙節適當近日海口安靜民氣恬熙洵  
足仰慰

聖懷合併附陳謹

奏

硃批覽欽此

恭報兼理江蘇臬司篆務摺子

奏爲恭報微臣兼理臬篆日期仰祈

聖鑒事竊臣於本年正月二十八日接奉撫臣程裔采

行知

奏委兼理江蘇按察使卽於是日准署臬司黃恩彤

將印信文卷移交前來臣謹恭設香案望

闕叩頭祇領視事查臬司責任專重明刑而江蘇情  
形尤嚴緝匪誠以近連浙省現值防堵海口必須

隨時隨地慎密稽查使在內之土匪無所容在外  
之洋匪不能入臣受

恩深重惟當勉益加勉斷不敢因暫爲兼理稍涉顛預  
以冀上酬

高厚所有微臣

兼理臬篆日期謹繕摺具

奏伏乞

皇上聖鑒謹

奏  
道光二十二年正月二十八日具



奏奉

硃批知道了欽此

奏謝升授陝西巡撫并請

陞見摺子

奏爲敬陳

微臣

感悚下忱恭謝

天恩籲請

陞見事竊

臣

於本年十月十二日接准江蘇撫

臣

程昶

朱行知九月三十日內閣奉

上諭陝西巡撫著李星沅補授欽此祇悉之下感悚難

名伏念

臣

湘楚菲材備員詞館仰邀

聖主特達之遇。由編修擢用知府。疊沐

恩施。上年十月由川臬調補江蘇。遵

旨入覲。渥荷

鴻慈逾格。誨迪諄詳。旋蒙擢授江西藩司。

簡調江蘇藩司。適值本省軍需會籌局務。昕宵黽勉。未  
效涓埃。茲復榮奉

溫綸。界以封圻重任。拊衷循分。益凜冰淵。查陝省控制  
西陲。南北兩山地形均爲險要。撫綏彈壓。責有攸

歸臣初守漢中復陳臬事畧知地方梗概至察吏

安民之要理財治賦之經凡與時爲振興必以身

爲統率如臣禱昧深懼弗克負荷惟有籲求

恩允容臣趨叩

闕廷備聆

慈訓俾得服膺遵守勉竭駑駘以冀仰酬

高厚於萬一現在交卸藩篆卽行迎摺北上所有微臣

感悚下忱謹繕摺恭謝

天恩伏乞

皇上聖鑒訓示謹

奏 道光二十二年十月十六日具

奏奉

硃批著來見欽此

李文恭公奏議卷三目錄

湘陰李星沅石梧著

男櫟編次  
梲

陝撫

恭報到陝西巡撫任摺子

附奏陝西地方情形片子

附奏船匠何禮貴已交河南委員護解湖北交收

片子

覆奏查明新鑄大礮分撥安置并籌議演放章程

摺子

附奏演放擡槍擡礮章程片子

查明各屬應徵錢糧截至年底止已未完解數目

摺子

盤查司道庫貯銀錢摺子

附奏己革典史吳恒控案現辦情形片子

附奏陝甘征兵全數歸伍日期片子

特參安定縣知縣康象書摺子

附奏揀員接署漢中府知府片子

查明上年下忙徵收錢糧已未完數目摺子

查辦已革典史吳恒控案摺子

請獎紳民捐輸海疆經費摺子

附奏請獎候補候選各員捐輸海疆經費片子

遵

旨嚴飭操防并校閱本標官兵情形摺子

李文恭公奏議

卷三目錄

二



修理棧道動用銀數摺子

恭謝與修一統志議敘摺子

甄別州縣摺子

酌請互改知縣繁簡缺分摺子

審擬聚眾奪犯毆官傷差各犯摺子

揀員調補西安府知府摺子

附奏委署道府片子

揀員請升要缺同知摺子

奏請揀發同知知縣摺子

附奏揀員委署府州縣各缺片子

籌議錢局開鑄摺子

附奏請獎城固縣紳民捐輸海疆經費片子

并清單

京員在途患病呈請開缺摺子

附奏接護廓爾喀使臣出境日期片子

審辦茂倫重犯摺子

恭報二麥約收分數摺子

恭報道光二十二年應徵帶徵錢糧已未完數目

摺子

查明司庫實存耗羨銀數摺子

恭報道光二十二年分徵收新舊錢糧截至奏銷

以前已未完數目摺子

籌議撫標撥增兵額畱添外委摺子

揀員請升要缺知州摺子

恭報本年錢糧現已徵完過半摺子

恭報本年上忙徵收新舊錢糧已未完數目摺子

揀員請補長安縣知縣摺子

恭報到陝西巡撫任摺子

奏爲恭報微臣到省接篆日期叩謝

天恩仰祈

聖鑒事竊臣於上年十月奉

旨補授陝西巡撫旋於十二月初旬入覲

天顏渥蒙

訓示周詳無微不至并邀

恩賞福字感激愧奮刻骨銘心遵卽束裝出京本年正

月初八日行抵陝西省城當准署撫臣布政使陶  
廷杰委員將

王命旗牌關防文卷移交前來臣謹恭設香案望

闕叩頭祇領視事訖伏念臣一介寒微毫無知識仰  
沐

恩知特達

簡任優加擢之詞曹之中練以庶司之職通籍十載洊  
綰封圻此次躬叩

闕廷復荷

鴻慈訓迪殷垂獎勉臣何人斯雖捐糜頂踵曷克稍紓  
報稱拊衷循省兢業滋深况陝省地廣人稠西陲  
管鍵吏治以無事爲福久或積於因循營務以有  
勇爲先弊尤防其驕情責成愈重負荷愈難臣惟  
有殫竭愚誠力圖整頓矢夙夜勿欺之志凜始終  
如一之操以冀勉酬

高厚所有

微臣

到省接篆日期理合繕摺具

奏恭謝

天恩伏乞

皇上聖鑒謹

奏·道光二十三年正月初九日具

奏奉

硃批諸凡勉力認真萬勿有負委任之意又曾記朕舊  
作有云勿因誘化固初心汝其致意焉欽此



附奏陝西地方情形片子

再查陝省大局西同鳳三屬地勢平衍俗厚民淳  
向多漢回雜居久已相安無事惟漢商等屬之南  
山延榆綏等屬之北山路徑叢深易滋伏莽而北  
山土磽霜早較南山生計尤艱幸連歲有秋近復  
雨雪應時閭閻均各安堵容臣隨時體察極力拊  
循至甘肅四川交界地方間有賊匪闖入如紅錢  
黑錢刀客之類節經就案懲辦仍當認真嚴飭查

拏不准稍爲鬆勁以期仰紓

皇上綏靖邊氓之至意

臣

此次經過直隸河南等處雪

澤均霑民情救謐洵足仰慰

聖懷合併附陳謹

奏

硃批禁暴安良誠爲地方之要務勉之欽此

附奏船匠何禮貴已交河南委員護解湖北交收  
片子

再臣面奉

諭旨管帶船匠何禮貴出都行至河南安陽縣境當交

該省委員小心防護前往湖北交收

臣

每於到站

後傳詢該匠據云喫夷戰船工繁費鉅一時恐難

仿造惟照三板船式參用戰船礮眼船身長約三

丈蓬高約四尺上用薄銅片包釘外挂魚網人在

蓬內搖槳點礮船首尾及兩旁約共安礮十餘尊  
每造一船不過需銀五六百兩如能以多敵少駕  
駛嫻熟似防江防海均堪應用已飭該匠至湖北  
省繪呈船樣并函知督臣裕泰就近酌核合併陳  
明謹

奏

硃批知道了欽此

覆奏查明新鑄大礮分撥安置並籌議演放章程

摺子

奏爲遵

旨查明新鑄大礮分撥安置并籌議演放章程恭摺覆

奏仰祈

聖鑒事竊

臣

於本年正月十九日承准軍機大臣字寄

道光二十三年正月十一日奉

上諭據陶廷杰奏陝西省鑄成大礮二千斤以上大礮

十尊一千斤以上大礮十尊演放可以及二十里至十五六里不等卽經分撥安置等語此項新鑄礮位現在分撥何處如何安置所奏殊不明晰著李星沅查明具奏至礮位久貯倘經風雨剝蝕必至損壞如不演放日久必有銹澀之虞此後每年應如何輪流出演數尊周而復始俾不致日久生銹且令礮手演習嫻熟庶可施放有準并著該撫妥議章程奏明辦理以重軍實而資捍衛將此諭令知之等因欽此仰

見我

皇上整飭武備

指示周詳之至意遵查前署撫

臣

陶廷杰原奏共鑄成

大礮二十尊

臣

就通省情形悉心體察如南北兩

山均有重鎮而路徑險仄礮位搬運維艱惟潼關  
爲入陝門戶地居扼要擬將新鑄大礮每樣各分  
撥二尊運赴該處擇地安置以資捍衛其餘大礮  
十六尊查礮局房屋寬敞現擇爽塏之處妥爲收

貯均不致風雨剝蝕第不輪流演放誠如

聖諭存貯日久必有銹澀之虞隨與司道公同商酌擬  
定每年春秋二季在前次試放之蒿灘地方出演  
新鑄大礮每樣各四尊每季演放十日每日每礮  
各演三出計二千斤以上大礮每出需用鉛丸七  
斤八兩共鉛丸九百斤火藥三斤十二兩共火藥  
四百五十斤一千斤以上大礮每出需用鉛丸四  
斤六兩共鉛丸五百二十五斤火藥二斤三兩共



火藥二百六十二斤八兩卽在撫標兵丁多選年  
力強壯者點充礮手屆期由巡撫司道分日親往  
督率營弁飭令該兵丁認真演習務使眼力手法  
十分精熟施放有準以後按年輪流出演周而復  
始礮位自無虞鏽澀至此項鉛丸火藥係屬格外  
增添各營常年自製止敷本營之用礙難撥給查  
西安省城經前升任撫臣富呢揚阿

奏明添造備貯鉛丸十二萬斤火藥八萬斤原爲不

時之需擬於此內照數支發卽行隨時造補庶演礮旣敷應用而鉛藥亦出陳入新似屬兩有裨益其安置潼關之礮責成該協副將及道員就近督飭各兵依照省城章程將礮運至空曠處所一體核實演放所需鉛丸火藥爲數不多自本年春季爲始卽添入該營操演案內報銷毋庸另籌所有查明新鑄大礮分撥安置及演放章程緣由是否有當理合繕摺具

奏伏乞

皇上聖鑒訓示謹

奏 道光二十三年正月二十七日具

奏奉

硃批均照所議認真妥辦又於屆期由巡撫司道句旁  
奉

硃批務須認真不可作爲故事看又於務使眼力手法

句旁奉

硃批此是緊要處留心欽此

附奏演放擡槍擡礮章程片子

再陝西省捐製擡礮七百五十桿擡槍二百桿均  
經鑄造完竣臣思大礮利在防守足壯聲威至臨  
陣克敵惟擡礮擡槍雄猛便捷最爲軍火利器今  
大礮旣奉

諭旨飭議演放章程所有擡礮擡槍若不隨時加演軍  
伍難期嫻熟且恐日久鏽澀一經調撥不堪應用  
終屬有名無實查關中兵弁向來尙稱勇敢茲值

修明武備尤宜精益求精臣現諭令本標將領督飭各弁及馬步兵丁於操演技藝之外一概練習擡礮擡槍仿進步連環法勤加施放以趨健得力爲準務令熟能生巧發必中的仍由臣時加閱看三月以後著有成效擬卽咨明督臣行知各營一體照辦臣爲慎重操防起見合併附陳伏乞

聖鑒謹

奏

硃批甚好認真練習務期得力欽此

查明各屬應徵錢糧截至年底止已未完解數目  
摺子

奏爲查明各屬應徵錢糧截至年底止已未完解數  
目循例恭摺奏

聞事竊照嘉慶九年六月內准戶部咨令將已未完錢  
糧數目截至年底於次年開印前報部一面專摺  
具奏等因歷經遵行在案茲據藩司陶廷杰詳稱  
道光二十二年額徵民屯更起運并糧折等項內



除各屬留支外實應解司銀一百三十三萬一千四百三十九兩零截至上年十一月底止已完銀一百三十一萬八千二百四十一兩零業經在署撫任內

奏明在案自上年十二月起至年底止續完銀六千七百五十五兩零仍未完銀六千四百四十二兩零統計二十二年錢糧已完九分九釐五毫零又帶徵道光二十一年舊欠未完緩徵銀六百五十

七兩零今截至年底止業已通宗又帶徵道光十年舊欠未完緩徵銀七百一十二兩零并十六年舊欠緩徵銀四百六十五兩零因榆林懷遠神木府谷等縣二十二年秋收復歉

奏明緩至二十三年秋後啓徵是以仍未完解等情具詳請

奏前來臣覆核無異除將未完銀兩嚴飭督催趕緊

徵解外所有道光二十二年分額徵正賦及舊欠

銀兩截至年底止已未完解數目理合循例繕摺具

奏伏乞

皇上聖鑒謹

奏 道光二十三年正月二十七日具

奏奉

硃批戶部知道欽此

盤查司道庫貯銀錢摺子

奏爲盤查司道庫貯銀錢恭摺奏

聞仰祈

聖鑒事竊

臣奉

命補授陝西巡撫例於到任後應將司道庫貯銀錢及

藩司先後任接收交代并二十一年地丁錢糧奏

銷及二十二年封印期內均須親歷盤查茲

臣於

道光二十三年正月初八日到任正值藩司陶廷

杰接收前署藩司傅繩勛交代及年底盤查自應  
併案辦理隨行據藩司陶廷杰督糧道方用儀各  
將庫貯銀兩錢文按欸分晰造冊呈送前來

臣隨

親詣各庫查藩庫截至道光二十三年正月初九  
日止共實貯正雜等項銀九十一萬五百九十九  
兩零錢五萬五千六百三十二串零道庫共實貯  
銀一萬一百二十兩零

臣

按欸盤驗逐一彈兌銀

數均屬相符并無虧那情弊除循例於藩司回任

接收交代案內另行出結具

題外理合將盤查司道庫貯銀錢緣由恭摺具

奏伏乞

皇上聖鑒謹

奏 道光二十三年正月二十七日具

奏奉

硃批戶部知道欽此

附奏已革典史吳恆控案現辦情形片子

再已革典史吳恆呈控驛站一案欽奉

諭旨著

臣

到任後查明有無挾制圖幫私和抑勒情弊

臣

遵於入境時沿途密加訪察到任以後又復悉

心查詢僉稱并無勒和之事惟該革員先控各驛  
積弊厯厯如繪何以一經查辦卽行具供認誣起  
滅自由其中難保無別情仍須澈底根究以昭覈  
實

臣

現復遴委委員分路改裝密查如該革員有

應質之處亦卽飛提嚴審斷不敢將就了結除俟  
查明確切再行

奏報外所有現辦情形合先附陳謹  
奏

硃批是欽此



附奏陝甘征兵全數歸伍日期片子

再道光二十一二等年陝甘調赴浙江勦辦喫夷官兵統共四千四百餘員名嗣准揚威將軍奕經照會喫夷就撫官兵陸續撤回及募充壯勇一併裁撤隨同回籍等因當經前署撫臣飭屬妥爲預備供支去後茲據各屬具報該官兵壯勇等沿途行走安靜自上年十月二十五日入陝境起至本年正月初二日止均已陸續抵省現在先後各歸

營籍訖所有撤回陝甘將弁兵勇全數歸伍回籍  
日期理合附片陳明謹

奏

硃批知道了欽此

特參安定縣知縣康象書摺子

奏爲特參任意乖謬之知縣請

旨革職以肅吏治恭摺奏祈

聖鑒事竊

臣

自正月到任後恪遵

恩訓時以察吏安民爲亟固不容稍存姑息亦未遽刻  
責苛求惟當考之公事驗之民情參之衆論以期  
舉劾詳慎詎有安定縣知縣康象書前月至省進  
謁經臣諄飭回任不得無故逗遛該員旋亦稟辭

忽於二月初三日來見口稱業已定期出省因聞

臣意欲甄劾故未啟行務求寬免等語臣卽以甄

劾之信得自何人反覆向詰堅不指實但伏地不起再四強之始出情形殊屬荒誕當經札司先行撤任聽候查參是日戌刻該員復稟請親老終養其爲藉詞規避尤屬顯然查該員心地昏庸辦公竭蹶本在應黜之列乃復當面求免又以告養避參卽此冒昧糊塗已爲不稱職之確據若令再膺

民社何以整飭官常相應據實

奏參請

旨將安定縣知縣康象書卽行革職以爲任意乖謬者  
戒除飭司委員前往接署并查該員任內有無實  
在劣跡及倉穀錢糧有無虧短另行辦理此外尙  
有應劾數員容臣確切訪查分別降革斷不敢坐  
任闕冗貽誤地方謹繕摺具

奏伏乞

皇上聖鑒訓示謹

奏 道光二十三年二月初六日具

奏奉

硃批所參是另有旨欽此內閣奉

上諭李星沅奏請將任意乖謬之知縣革職一摺所參是陝西安定縣知縣康象書心地昏庸辦公竭蹶因聞有甄劾之信輒向該撫面求寬免又復藉詞告養規避參劾實屬荒謬康象書著卽革職以示懲儆該

部知道欽此

李文恭公奏議

卷三

陝撫

十九

附奏揀員接署漢中府知府片子

再漢中府知府保岱現因七年俸滿奉准部咨調  
取引

見所遺員缺應行揀員接署據藩臬兩司查有留壩廳  
同知賀仲城年強才裕辦事勤能堪以委令署理  
會詳請

奏前來除批飭遵照外理合附片奏

聞謹



奏

硃批覽欽此

查明上年下忙徵收錢糧已未完數目摺子

奏爲查明陝省上年下忙徵收正賦鹽課錢糧已未完數目循例具

奏仰祈

聖鑒事竊照各州縣徵解錢糧於嘉慶二十年六月內經戶部奏准令將每年上下忙應徵錢糧除留支外實應解司銀數分別正課雜項依限造冊詳報督撫於二十日內具奏并將原冊送部等因歷經

遵行在案茲據布政使陶廷杰詳稱查得陝省各屬道光二十二年分額徵民屯更起存并糧折銀除屯丁兌食及存留外實應解司銀一百三十三萬一千四百三十九兩零內除上忙已完銀八十八萬七千八百七十八兩零未完銀四十四萬三千五百六十兩零今下忙續完銀四十三萬七千一百一十八兩零仍未完銀六千四百四十二兩零又原額鹽課銀八千九百八十兩零內除上忙

已完銀二千二百九十一兩零未完銀六千六百八十八兩零今下忙續完銀四千三百七十八兩零仍未完銀二千三百一十兩零又帶徵道光二十一年原未完緩徵起運銀五千九百七十八兩零今下忙續徵通完又帶徵道光十九年原未完緩徵起運銀七百一十二兩零又帶徵道光十六年原未完緩徵起運銀四百六十五兩零因榆林懷遠神木府谷等縣二十二年秋收復歉

奏明緩至二十三年秋後啟徵是以仍未完解等情  
詳報前來臣逐一復查無異除將未完銀兩嚴飭  
該管道府州趕緊督催徵解并將送到冊籍另行  
咨部外所有道光二十二年分下忙徵收正賦鹽  
課錢糧已未完數目循例恭摺具

奏伏乞

皇上聖鑒謹

奏  
道光二十三年二月初六日具

奏奉

硃批戶部知道欽此

查辦已革典史吳恆控案摺子

奏爲遵

旨查明革員妄控驛站尙無勒和情弊據實覆

奏仰祈

聖鑒事竊

臣

前在直隸途次接准福州將軍

臣

璧昌咨

開具奏陝省驛路情形一摺欽奉

上諭前據陶廷杰奏陝西坐選典史吳恆在西安府呈  
控驛站積弊一案當降旨令璧昌於差竣赴陝時沿

途留心查訪嚴行懲辦以肅郵政茲據該將軍奏稱沿途挨次點查各驛額設馬匹均無短缺所需麩料草束詢之民間并無勒取折扣藉端濫派各情已革典史吳恆所控著無庸議至該革員以事不干已妄言聳聽其中有無挾制圖幫私和抑勒情弊著陝西巡撫李星沅於到任後覈實查辦以儆刁風欽此并抄錄原奏咨送前來

臣

遵於入境後接見文武各

官悉心體訪僉云該革員吳恆初意未始非借此



大題妄希挾制圖幫後因查明各驛無弊恐至奏  
參革審遂認冒昧粗率懇求寬宥合省皆知并無  
私和抑勒等語詢之同城司道均無異詞臣以吳  
恆原稟指陳似非無據何以一經查辦旋即認誣  
起滅自由未遽信爲無弊卽本省道府奉委互查  
亦難保非意存消弭驛站事關通省所挾旣非一  
處所圖亦非一人如果勢勒賄和自難泯然無跡  
當卽遴委在省候補知縣陳炳琳傅榮勲畢廣言

張調分赴四路驛站改裝密查并附片陳明奉

硃批是欽此嗣據各委員覆稱設法探訪輿論均符實

無別項情弊又經

臣

以訛索在人自首免罪諄飭

管驛州縣從實稟出後經發覺加等參究復據各

州縣稟覆吳恆自認誣控委非抑勒私和并出具

切結存案

臣

思此案大要總以驛站有無積弊爲

衡今陝省各驛先經前署撫

臣

陶廷杰分委確查

馬匹足額毫無弊竇復經

欽差福州將軍壁昌沿途挨次親驗驛馬均無短缺且  
詢之里民所需麩料草束并無勒取折扣藉端濫  
派各情在陶廷杰認真推求固不敢稍存欺飾在  
壁昌祇奉

特旨順道覆查更無所用其廻護但使所稟得實均應  
嚴切究懲亦安肯遷就扶同代人受過是吳恆稟  
訐驛站積弊全屬子虛將挾制而無從將圖幫而  
莫應論理既無須抑勒準情亦不必私和

臣自到

任以來覈實詳查其爲畏罪認誣似屬可信惟吳  
恆以在籍坐選微員潛來陝省敢以不干已事妄  
言聳聽雖無圖幫之據必有挾制之心追查係全  
虛慮恐革審又認咎止粗率冒昧顯係預存輕減  
情節爲日後捐復地步似此居心奸巧行同無賴  
豈容再登仕版貽害地方相應請

旨將已革典史吳恆永不叙用卽加成報捐亦不准行  
以示懲儆而肅官常所有查辦緣由理合繕摺具

奏伏乞

皇上聖鑒訓示謹

奏 道光二十三年二月二十八日具

奏奉

硃批另有旨欽此內閣奉

上諭李星沅奏查明革員妄控驛站尙無勒和情弊一摺已革典史吳恆以在籍坐選微員潛赴陝省敢以不干已事妄言聳聽現據該撫查明所控驛站情弊

全屬子虛雖無挾制圖幫等情究屬居心奸巧行同  
無賴吳恆業經革職著永不敘用以示懲儆該部知  
道欽此

請獎紳民捐輸海疆經費摺子

奏爲紳民捐輸海疆經費續懇

天恩賞收俯獎以示鼓勵恭摺奏祈

聖鑒事竊照陝省各州縣紳民先後捐輸海疆經費銀

兩節經前署撫臣開單

奏請獎勵并聲明此外尙有零星捐輸之處或已呈  
明地方官轉報或解繳銀兩尙未收齊請倣照豫  
工事例截止之期統於本年二月內停止奉部議

准行知各在案茲據韓城縣等十二州縣陸續具報截至二月十九日全數收清共銀九萬七千九百九十餘兩造具各捐戶姓名銀數及請給官職并京外各職銜清冊由藩司陶廷杰臬司傅繩勛彙詳請

奏前來

臣

伏查前奉

諭旨各省紳士商民急公好義卽與出力將士無異若照捐輸常例議敘不足以示鼓勵等因欽此今該紳



民等情殷報效踴躍捐輸其好義急公實堪嘉尚  
除將捐銀二百兩至四百兩者造冊咨部照海  
疆捐輸章程辦理外其捐資較多之紳民相應分  
別等差開繕履歷清單奏懇

皇上逾格

恩施俯加獎勵以昭激勸至所捐銀數計六百兩以上  
至七千兩奏請議敘者共銀三萬四千二百兩其  
二百兩至四百兩咨部議敘者共銀四萬八千

二百七十三兩其不及議敘由外給予花紅匾額者共銀一萬五千五百一十三兩五錢均經解貯司庫連前奏報銀八十二萬一千一百七十九兩統共捐輸銀九十一萬九千一百七十五兩五錢內除疊准部咨撥解南河銀六十萬兩又撥解河南省銀二十萬兩現存銀十一萬九千一百七十五兩五錢聽候撥用所有韓城等州縣捐輸紳民續請獎勵緣由理合繕摺具

奏伏乞

皇上聖鑒謹

奏 道光二十三年二月二十八日具

奏奉

硃批該部議奏片一件單二件併發欽此

附奏請獎候補候選各員捐輸海疆經費片子  
再陝西省現任候補候選人員捐輸海疆經費業  
經兩次奏懇

聖恩獎勵在案茲查有俞文元等數員亦係前次報捐  
因銀未交齊未經彙奏今截至二月十九日止據  
該員等各將捐項全數解司由藩臬兩司按照所  
捐銀兩彙議分別獎勵詳請具

奏前來臣復加酌核該員等慕義輸忱均屬有心向

上其官階銀數亦與各省官紳捐輸優敘成案相符謹開列清單恭呈

御覽合無仰懇

皇上天恩俯准優加獎勵以廣登進如蒙

俞允所捐銀一萬五千八百兩連前捐銀八萬五千九百兩統共銀十萬一千七百兩聽候撥用合併陳明伏乞

聖鑒謹

奏

遵

旨嚴飭操防并校閱本標官兵情形摺子

奏爲遵

旨嚴飭操防并校閱本標官兵情形恭摺奏

聞仰祈

聖鑒事竊

臣

於本年二月二十七日承准軍機大臣字

寄二月十九日奉

上諭現在各官兵撤回歸伍因思兵可百年不用不

李文恭公奏議

卷三

陝撫

三

可一日無備誠恐該官兵等於歸伍之後貪圖安逸  
怠於操防以致技藝生疏銳氣不振著寶興富呢揚  
阿桂良李星沅張澧中賀長齡布彥圖舒倫保廉敬  
齊慎胡超周悅勝汪道誠張國相文祥各就所轄營  
分倍加訓練期於精益求精斷不可存偷安姑息之  
見稍弛備禦至擡礮擡槍爲軍中利器尤宜廣爲儲  
蓄勤加練習俾聲勢相聯施放有準方可臨敵制勝  
各該督撫將軍提督副都統等均係受恩深重之人



務須先事預籌有備無患倘稍存大意任聽廢弛將來遇有徵調臨陣不能得力朕惟該督撫將軍提督副都統是問恐不能當此重咎也其各勉之凜之將此各諭令知之欽此又於三月初六日准兵部咨二月初十日奉

上諭御史陳慶鏞奏營伍積弊一摺著各督撫提鎮確切查明力除積弊如稍有諱飾不以整頓營伍爲急務自問天良何在一經發覺朕惟執法以行斷不能

倖邀宥也將此通諭知之等因欽此仰見我

皇上整肅戎行有備無患之至意曷勝欽悚查

臣標左

右兩營額設官兵一千八十一員名除歲派西口

換防實在官兵八百八十九員名

臣

抵任之初卽

經嚴飭營員上緊操練節其花法定爲課程先就

弁兵之雄健者挑備選鋒按旬親閱冊分等第立

予勸懲因巡撫到任閱伍向多視爲具文故稍寬

以示期而先責其嫻熟察看將備弁兵尙知儆畏

奮勉旋於三月初九初十二十四等日逐加校閱合操速戰陣勢隊伍旗幟尙覺整齊馬步箭亦能命中籐牌刀矛等項撲滾擊刺均稱便捷並因各種火器如擡礮擡槍最能制勝及遠前經臣查明現存數目飭營一體演放并附片陳明奉

硃批甚好認真練習務期得力欽此連日屢加演試見其擡放合手高下咸宜又點齊鳥槍兵隨同打靶連環進步核其中數均在八分以上惟藥性不甚

猛烈響聲亦屬平常緣陝省以礮磨藥力量較小  
現飭改用白杵如法儘數舂足篩珠呈驗擬此後  
本標考缺放糧一以火器爲準其餘軍械馬匹均  
經核實稽查計兩營弁兵頗多年力強壯漢仗魁  
梧尙不至以老弱充數除將技藝出眾各名分別  
捐賞候升外惟左營把總姚得喜先以步射無準  
經臣咨部斥革餘俱勒限勤操容再隨時考察認  
真辦理臣受

恩深重具有天良仰蒙

廷諭申嚴深懼未諳武備惟當極力整頓悉心講求務期一兵得一兵之用一器得一器之用信賞必罰日漸月摩庶幾積習漸除勉成勁旅斷不敢因所轄營分兵數無多稍存大意以冀上紓宵旰所有嚴飭操防並校閱情形謹繕摺具

奏伏乞

皇上聖鑒謹

奏 道光二十三年三月十六日具

奏奉

硃批認真勉力屏繁文而收實效兵額第一要足外無  
可諭又於現飭改用杆白句旁奉

硃批好又於擬此後本標考缺放糧一以火器爲準句  
旁奉

硃批因時制宜甚是欽此

修理棧道動用銀數摺子

奏爲修理棧道動用備貯本款銀數在五百兩以上  
循例奏

聞仰祈

聖鑒事竊照沔縣詳請修理境內棧道一案當經前撫  
臣批司委員確勘估辦去後茲據藩司陶廷杰詳  
稱准陝安道蔡瓊咨據漢中府知府保岱轉據委  
員留壩廳同知賀仲瑛會同沔縣知縣朱清標查

勘得該縣境內棧道自道光十五年修理後迄今  
七載有餘一切橋梁木植均被山水冲塌過甚亟  
應繕修平坦以利遄行逐一擷節確估共需工料  
銀五百九十四兩零造具估計冊結圖說由該管  
府道加結移司核明請照向例在漢中府庫存貯  
棧道備公本款銀內動支興修具詳請

奏前來

臣

查該縣棧道自白馬河起至金堆鋪止多

係崇山峻嶺鳥道崎嶇每遇山水陡發一切橋梁



木植時有冲塌之患該處係川陝要路文報差使  
商賈往來絡繹不絕自係亟宜修整刻不可緩之  
工其所估工料銀兩應請照依向例在漢中府庫  
存貯棧道生息備公本款銀內動支飭令趕緊  
興修俟工竣委勘核實造銷除將估計冊結圖說  
送部查核外理合循例具

奏伏乞

皇上聖鑒謹

奏 道光二十三年三月十六日具

奏奉

硃批該部知道欽此

恭謝與修一統志議叙摺子

奏爲恭謝

天恩事竊

臣

接閱邸抄此次纂修

大清一統志全書告成奉

旨准

臣

李星沅均予議叙等因欽此祇悉之下感悚交

臻伏念

臣

夙從詞翰曾列編摩祇以奉使日多繕

修日少迨換頭銜於外吏載筆緣疏廼經翼贊於

宏篇

宣綸惠普九有飮

同文之治五中銘

大造之恩敢附前勞。彌思後效。臣惟有勤加蠡測。勉竭

駑驅。讀未見之書。心尙縈乎

東觀。矢無涯之報。職倍凜乎西陲。雖往時鉛槧無功。

忝邀

寵敘。願來日涓埃有補。益荷

鴻施。所有微臣感激下沈謹繕摺恭謝

天恩伏乞

皇上聖鑒謹

奏 道光二十三年三月十六日具

奏奉

硃批知道了欽此

甄別州縣摺子

奏爲甄別才不稱職之州縣請

旨勒休改補降調恭摺奏祈

聖鑒事竊臣蒙

恩簡畀封圻到任以來首嚴察吏其實在才不稱職者  
自宜及時糾劾不敢以劣蹟未著稍事姑容查有  
鄜州直隸州知州董淦鄙猥性成衰庸日甚現因  
足疾呈請開缺卽使將來痊愈亦屬不堪起用應

請勒令休致又邠州直隸州知州張坦人尙小心  
辦公無誤惟所轄三縣均資表率精力難於周到  
應請以簡缺同知改補歸部候選又白河縣知縣  
崔成憲才識迂鈍遇事顛預雒南縣知縣許麗京  
性情頹廢不自振作洛川縣知縣黃大楨少年執  
袴厯練未深以上三員均不勝民社之任惟核其  
年力尙堪責令自效應請以府經縣丞降補歸部  
候選除飭司委員接署并查明經手錢穀有無虧

缺另案辦理此外各員臣仍隨時隨事認真考察  
遇有庸劣不職卽行據實嚴參毋稍瞻徇遷就以  
期勉副

皇上委任之至意所有甄別州縣緣由謹繕摺具

奏伏乞

聖鑒訓示謹

奏 道光二十三年三月二十五日具

奏奉



硃批所奏甚是另有旨欽此內閣奉

上諭李星沅奏請才不稱職之州縣分別勒休改補降  
調一摺所奏甚是鄜州直隸州知州董淦衰庸日甚  
現又患病著卽勒令休致邠州直隸州知州張坦於  
所轄之縣精力未能周到著以簡缺同知改補歸部  
候選白河縣知縣崔成憲才識迂鈍雒南縣知縣許  
麗京性情頹廢洛川縣知縣黃大楨歷練未深均不  
勝民社之任著以府經歷縣丞降補歸部候選該部

知道欽此

酌請互改知縣繁簡缺分摺子

奏爲知縣缺分繁簡今昔異宜酌請互改以資治理  
恭摺奏祈

聖鑒事查例載部選題調各缺如有實因繁簡不符必  
須隨時酌改之處令各督撫分別缺之大小如丞  
倅牧令之缺應請改繁者卽於丞倅牧令內改簡  
互換等語蓋缺分繁簡有定而今昔情形不同自  
當因地因時核實更易未便稍涉拘泥茲查漢中

府屬之南鄭縣原係專衝簡缺向歸部選惟該縣  
爲府城首邑地接南山復濱漢水耕耘商賈實繁  
有徒訟獄較多兼有發審案件又與鎮標同城兵  
民雜處一切撫綏整頓聽斷緝捕洵非初任人員  
所能經理裕如臣前守漢中目擊實在情形不能  
不酌量變通改爲繁缺在外題調但一缺改繁卽  
應一缺改簡以符定例查有興安府屬之平利縣  
本屬簡缺嗣因嘉慶八年軍需初定民習未馴改

爲繁疲難兼三要缺厯今三十餘年風氣漸歸純厚以視南鄭縣之事雜人稠繁難日甚者較爲易治似應彼此互換以期人缺得宜由藩臬兩司會詳請

奏前來合無仰懇

皇上天恩俯准將南鄭縣改爲衝繁難要缺在外揀員升調并將平利縣仍改爲簡缺歸選所有兩縣賦役等項悉循其舊毋庸另議如此一轉移間繁簡

各歸核實於銓政并無參差而於地方較有裨益

謹會同陝甘總督

臣

富呢揚阿合詞恭摺具

奏伏乞

聖鑒訓示祇遵謹

奏  
道光二十三年三月二十五日具

奏奉

硃批吏部議奏欽此

審擬聚眾奪犯毆官傷差各犯摺子

奏爲刁徒聚眾奪犯毆官傷差審明照律定擬恭摺

奏祈

聖鑒事竊照本年二月初六七日興平縣馬干村地方  
賽會酬神該縣知縣李夢愚因有另案勘驗公出  
委令典史石奉儀帶同縣差皂役前往巡緝訪知  
會首史漁等在廟窩賭當將史漁暨史六拏獲鎖  
帶送縣澈究詎該村民史駱駝袒護族人聚眾中

途奪犯毆傷典史差役經縣驗明該典史頂心木  
器并帽頂座墊傷一處皮破血污髮辮拔落一絰  
又縣差郭法右額角右太陽穴相連右腮臑左右  
耳根木器傷各一處俱紫赤色皂役劉世春髮際  
木器傷一處紅腫又救護典史之民人邊興平回  
民馬逢椿亦均被木器毆傷分別撥醫調治選差  
嚴拏稟府委員馳詣會同營縣將正犯史駱駝從  
犯史牢娃史六指子史元娃等同案內應訊人証



并查起打斷纓頂飭該典史石奉儀帶同差役郭  
法劉世春到省傳驗各傷均已平復臣查興平縣  
距省僅止百里典史爲地方官長該犯等旣已明  
知輒敢恃衆橫行持械毆辱實屬目無法紀亟應  
嚴切根究從重懲辦疊經諄飭臬司督飭府縣連  
日研審茲據署西安府知府李希曾率同興平縣  
知縣李夢愚審明定擬由臬司傳繩勛覆訊解勘  
前來臣隨親提研鞠緣史駱駝卽史三兒史牢娃

史六指子史元娃史六英子史船娃史幅成史遵  
得史田基及在逃之史弁娃史玉卽炭娃子均籍  
隸興平縣馬干村同族無服向各務農史駱駝平  
日強梁好事人莫敢較該村西門外舊有藥王廟  
一座每年二月初六七等日村衆搬演擡演戲  
酬神本年二月會期輪應史幅成史遵得史漁卽  
史鎖娃史科娃子充當會首初六日開會早飯後  
史玉攜帶舊存骨骸至廟商允史幅成等開場聚

賭許分頭錢時有鄰村陳二楊老四暨看會不知  
姓名數人先後同場擲骰旋來旋去史玉在旁抽  
頭不記輸贏數目史幅成亦攜舊有紙牌一付因  
史漁須在廟外照料香火遂邀史遵得史科娃子  
白三在神殿旁棹上抹牌同賭該縣奉文嚴拏刀  
匪恐廟會人衆易於藏奸因有另案公出委令典  
史石奉儀帶同縣差郭法皂役劉世春前往巡查  
史漁瞥見慮官役入廟獲賭旋喚族人史六卽史

遵俸一同攔門阻止郭法等定欲進廟史漁情急  
向內喊稱官役來廟拏賭史幅成等聽聞卽將紙  
牌擲爐燒毀各散史玉亦同各賭犯逃逸郭法劉  
世春卽扭史漁史六向石奉儀面稟石奉儀督役  
進廟搜拏無獲訊據史漁供認貪利容賭飭將史  
漁史六鎖帶送縣收審適史駱駝路醉踵至因見  
史漁等已被官役鎖押帶走起意聚衆追奪令史  
牢娃回村糾人適遇史田基提鑼赴會幫演擡攔

史牢娃謊稱會上有人打架囑其鳴鑼集衆抵禦  
史田基卽在村內鳴鑼史牢娃糾約史六指子史  
元娃分執木棍史駱駝亦持木杆帶領向前追趕  
并有史六英子史船娃史弁娃聞鑼各攜木棒隨  
往史駱駝趕至中途向郭法等攔住喝將史漁等  
開放郭法等不允史駱駝喊令毆打史六指子用  
棍毆傷劉世春髮際史牢娃史元娃用棍毆傷郭  
法右額角右太陽穴等處俱各倒地史牢娃等將

史漁史六奪回石奉儀下車喝禁史駱駝卽用木  
杆毆傷石奉儀頂心致將帽頂打斷纓頂落地當  
有過路民人邊興平回民馬逢椿趕攏救護亦被  
史牢娃史六指子史元娃用棍毆傷脊背左右額  
角等處邊興平等畏兇跑逃史六英子等趕至見  
人已奪回各散史駱駝因慮石奉儀回縣不依復  
起意拉回關禁勒寫無事字據卽拾藏打落纓頂  
揪住石奉儀髮辮拖拉拔落髮辮一縉又令史牢

娃等幫同推拉擁至村中空廟經該村鄉約史復  
茂生員馬驥等趕往理斥史駱駝卽勒令史復茂  
等寫給代爲赴縣懇恩免究名單始將石奉儀交  
史復茂等扶送回署報縣驗傷稟府委員會同營  
縣拏獲史駱駝等解省審擬隔別研鞫各供前情  
不諱臣以典史奉委巡緝拏獲窩賭之人該犯史  
駱駝何敢糾眾打奪毆傷官役恐有索詐肇衅情  
事再四究詰據史駱駝等堅供實係庇護族人起

意聚眾奪回嗣因毆傷官役慮及不依拉回關禁  
勒寫無事字據委無索詐情事該犯等并無預謀  
及另犯不法別案此外亦無在場幫毆之人加以  
刑嚇矢口不移案無遁飾查律載官差捕獲罪人  
聚眾中途打奪因而傷差者絞監候爲從減一等  
又例載賭博不分兵民俱枷號兩個月杖一百偶  
然聚會開場窩賭及存留之人抽頭無多者各枷  
號三個月杖一百又賭博人犯如不將造賣賭具



之人據實供出卽將出有賭具之人照販賣爲從  
例杖一百徒三年各等語此案史駱駝因典史巡  
緝會場將在廟窩賭抽頭攔阻差拏之會首史漁  
等鎖押帶縣起意糾聚史牢娃等四人中途打奪  
毆傷差役將犯奪回應按律問擬史駱駝卽史三  
兒合依官差捕獲罪人聚衆中途打奪因而傷差  
者絞律擬絞監候惟該犯於典史石奉儀喝禁之  
時輒用木杆毆傷復揪推至廟關禁勒寫無事字

據明知地方官長膽敢兇毆踐辱藐玩已極僅照  
奪犯傷差律問擬絞候不足蔽辜應請

旨卽行正法以儆刁頑而昭炯戒史牢娃史六指子史  
元娃聽從助勢毆官傷差情節較重均應於爲從  
滿流律上加一等發附近充軍史六指子史元娃  
雖據供親老丁單應俱不准留養史六英子史船  
娃聞鑼持械隨後趕至因犯奪回未經動手與當  
場助勢逞兇者有間應與僅止聽從鳴鑼集人不

知毆打官役之史田基均於史牢娃等爲從罪上減一等各杖一百徒三年史田基供伊祖母年逾七十并無弟兄伯叔應否留養飭縣查明照例辦理會首史幅成除賭博并存留開賭各輕罪不議外合依出有賭具之人照販賣爲從例杖一百徒三年年踰七十照例收贖史牢娃等均至配折責安置史遵得合依偶然聚會開場窩賭及存留之人抽頭無多例枷號三個月杖一百陳二白三楊

老四均合依賭博不分兵民例各枷號兩個月杖  
一百分別枷責收贖發落史六卽史遵俸聽從阻  
差肇衅亦屬不合應照不應重律杖八十折責發  
落鄉約史復茂等寫給代爲赴縣懇恩免究名單  
訊由被勒勉從免其置議史弁娃史科娃子史玉  
卽炭娃子史漁卽史鎖娃飭緝獲日另結典史石  
奉儀縣差郭法皂役劉世春傷俱平復應毋庸議  
無干省釋除全案俱招咨部外理合恭摺具

奏伏乞

皇上聖鑒勅部核覆施行謹

奏 道光二十三年三月二十七日具

奏奉

硃批刑部速議具奏欽此

揀員調補西安府知府摺子

奏爲省會首府員缺緊要遵

旨揀員調補恭摺奏祈

聖鑒事竊臣接准部咨欽奉

上諭陝西西安府知府員缺緊要著該督撫於通省知府內揀員調補所遺員缺著徐棟補授欽此遵查西安府係省會首郡管轄十八廳州縣地方遼濶政務殷繁且時有發審案件非精明幹練之員不足

以資表率臣等與藩臬兩司於通省知府內逐加遴選查有興安府知府李希曾現年四十七歲正白旗漢軍進士卽用知縣分發陝西補授保安縣知縣調補商南縣知縣道光六年調赴喀喇沙爾委辦糧臺保

奏奉

旨以同知直隸州卽補復調涇陽縣知縣十年赴甘委辦軍需盤查升補留壩廳同知盤查事竣奉

旨賞加知府銜旋因迴避對調孝義廳同知十六年調補乾州直隸州二十二年

奏升興安府知府十月引

見奉

旨准其升補卽於十二月到任該員才識穩練辦事勤明在陝多年情形亦較熟悉現署西安府篆一切尙臻妥協以之調補茲缺實堪勝任據藩司陶廷杰臬司傅繩勛會詳請



奏前來合無仰懇

皇上天恩俯准以李希曾調補西安府知府洵於省會  
要缺有裨如蒙

俞允該員係遵

旨揀調毋庸送部引

見并免查敘參罰所遺興安府知府員缺遵

旨卽以徐棟補授所有揀員調補省會要缺知府緣由

謹會同陝甘督臣富呢揚阿合詞恭摺具

奏伏乞

皇上聖鑒訓示謹

奏 道光二十三年三月二十五日具

奏奉

硃批另有旨欽此內閣奉

上諭李星沅奏揀員調補首府一摺陝西西安府知府  
准其以李希曾調補所遺興安府知府員缺卽以徐  
棟補授該部知道欽此

附奏委署道府片子

再鳳邠道那丹珠西安府知府貴麟欽奉

諭旨著來京引見均應委員接署查有督糧道方用儀

堪以兼署鳳邠道篆至西安府一缺現經

臣以與

安府知府李希曾

奏請調補卽令先行署理所遺興安府篆查有甯陝

廳同知俞逢辰堪以委署又延安府知府邱煌推

升湖北糧道所遺府缺查有潼關廳同知濮城堪

以署理鄜州直隸州知州董淦呈請告病所遺州  
缺查有漢陰廳通判韓涪堪以署理據藩臬兩司  
會詳前來除檄飭遵照外理合附片陳明謹

奏

硃批覽欽此

揀員請升要缺同知摺子

奏爲揀員請升南山要缺同知以資治理仰祈

聖鑒事竊照升補孝義廳同知張恆寶因病出缺業經

臣恭疏具

題在案所遺員缺係繁難邊要缺例應在外揀員升  
調該廳爲南山要地幅隕遼濶五方雜處風氣強  
悍訟獄較繁彈壓稽查均關緊要非精明幹練熟  
悉情形之員不足以資整頓陝省祇有清軍同知

係屬簡缺人地未宜其餘俱係要缺實乏可調之  
員臣隨與藩臬兩司在於府屬通判州縣逐加遴  
選查有准調長安縣知縣武訪疇年四十一歲山  
西進士卽用知縣籤掣四川親老告近改掣陝西  
道光十三年二月到省

題補清澗縣知縣調補鎮安縣知縣十八年十月到  
任二十一年

大計卓異旋調長安縣知縣尙未到任該員廉明勤

慎辦事實心曾任南山知縣熟悉地方情形歷俸  
已滿三年任內并無違礙處分以之升補孝義廳  
邊缺同知實堪勝任亦與定例相符據藩司陶廷  
杰臬司傅繩勛會詳請

奏前來合無仰懇

皇上天恩俯念要缺需人

勅部核覆准以長安縣知縣武訪疇升補孝義廳要缺  
同知洵於南山地方有裨如蒙

俞允該員卓異尙未赴部茲請升補同知應俟部覆至  
日併案給咨送部引

見恭候

欽定至所遺長安縣係衝繁疲難四項相兼要缺容再  
揀員請調合併陳明謹會同陝甘督臣富呢揚阿  
恭摺具

奏伏乞

皇上聖鑒訓示謹



奏 道光二十三年三月二十七日具

奏奉

硃批另有旨欽此內閣奉

上諭李星沅奏揀員請升南山要缺同知一摺著照所  
請陝西孝義廳同知員缺准其以武訪疇升補照例  
送部引見該部知道欽此

奏請揀發同知知縣摺子

奏爲陝省同知知縣委用乏人請

旨揀發以資差遣仰祈

聖鑒事竊陝省府廳州縣員缺較多應補應署以次遞  
及而南北兩山地方遼濶差委往復需時卽省城  
臬局亦須遴員幫審必先儲材以備用乃可因事  
以程材查同知一項現在候補無人知縣候補者  
核計雖有十七員非輪補到班卽委署出省每遇

酌委缺分及鉅案遠差已覺難於遴選轉瞬辦理  
鄉試應調內外簾官所需署缺人員爲數更多殊  
不足敷委用當整飭官常之會就使人才不乏尙  
須甄拔其尤若以民社攸關致令濫竽充數將於  
地方無補卽於臣職有虧未敢以陝省向未請員  
稍存拘泥相應

奏請

勅部於候補候選曾任實缺人員內揀選同知一員知

縣六員帶領引

見飭發來陝聽候差委於吏治實有裨益仍俟遇有相  
當缺出分別照例補用臣爲委用需人起見謹會  
同陝甘總督臣富呢揚阿合詞具

奏伏乞

皇上聖鑒訓示謹

奏 道光二十三年四月十二日具

奏奉

硃批另有旨欽此內閣奉

上諭李星沅奏陝省委用乏員請揀發同知一員知縣  
六員以資差遣著吏部於候補候選曾任實缺人員  
內照例揀選帶領引見候旨發往欽此

附奏揀員委署府州縣各缺片子

再鳳翔府知府豫泰因七年俸滿奉部調取引

見所遺鳳翔府缺應卽揀員委署查有綏德州直隸州  
知州江士松堪委署理所遺綏德州缺查有清軍  
廳同知宋恒祥堪以委署又咸寧縣知縣常瀚升  
補乾州直隸州知州所遺咸寧縣缺業以現署長  
安縣知縣陸詮調補應飭各赴新任所有長安縣  
印務查有南鄭縣知縣陳捷魁堪以調署所遺南

鄭縣缺查有沔縣知縣朱清標堪委接署又邠州  
直隸州知州張坦白河縣知縣崔成憲經臣甄別  
奏請改降所遺各缺亦應委署查有華州知州郝昇  
榮堪委署理邠州直隸州知州新選洵陽縣知縣  
胡燧堪委署理白河縣知縣據藩臬兩司會詳前  
來除批飭遵照外合併附片陳明謹

奏

硃批覽欽此

籌議錢局開鑄摺子

奏爲籌議陝省錢局減卯開鑄恭摺奏

聞仰祈

聖鑒事竊准戶部咨以各省鼓鑄久停

奏明照例按卯開鑄各就本省情形均勻酌量搭放  
等因遵查陝西寶陝局每年額定二十四卯鑄錢  
六萬五千餘串專爲搭放省城旗標各營兵餉之  
需乾隆五十九年減爲十六卯旋即全行停止嘉



慶元年照舊開鑄道光十一年又復停止二十一年戶部奏奉

諭旨迅速開鑄如銀價未平著體察情形將卯額奏明酌減等因欽此當經升任撫臣富呢揚阿以銀價昂

貴鑄錢既費成本又累兵丁且司庫存錢五萬五

千七百餘串即使減卯鼓鑄卯錢積壓亦屬無裨

奏准暫緩開鑄在案

臣

查陝省停鑄今已十有餘年

若不因時變通圜法漸虞廢弛自應遵照部咨按

叩開鑄以利民用惟陝省銀價從前道光十一年并二十一年每銀一兩不過換錢一千三四百文及一千四百八十餘文尙因兵丁領錢虧折停鑄今則每兩換錢一千六百數十文是兵丁領錢較領銀每兩少錢六百餘文且省城旗標各營兵力夙多貧苦近復物價昂貴即使減成搭放亦覺虧累難支當此整頓營伍之時尤宜量加體卹因與司道悉心籌議擬將滿漢各營兵餉照舊仍放銀

兩惟文武各官養廉及支給雜款改用所鑄錢文  
搭放第司庫現尙存錢五萬五千七百餘串若如  
額卯開鑄非特成本折耗抑且搭放不敷辦理諸  
多窒礙惟有遵照前奉

諭旨酌減卯數先以十二卯開鑄計每年共鑄錢三萬  
二千七百餘串除鑪匠工料等錢四千六百六十  
餘串淨解司庫錢二萬八千餘串卽酌量搭放養  
廉及各雜款總以一年所鑄之錢儘數放出爲率

庶錢法可期經久而財用亦漸流通至該局現在  
存銅一百二十四萬四千餘斤鉛二十五萬八千  
餘斤足敷數年配鑄容俟將次用竣再行設法購  
辦據藩臬兩司暨督糧鹽法各道會詳前來相應  
奏明請

旨准以十二卯開鑄一二年後察看情形如銀價稍平  
卽請添卯加鑄以復舊制并俟部覆至日另將搭  
放章程分晰咨部是否有當理合繕摺具

奏伏乞

皇上聖鑒訓示謹

奏 道光二十三年四月十二日具

奏奉

硃批另有旨欽此內閣奉

上諭李星沅奏陝省錢局請減卯開鑄一摺陝西寶陝局鼓鑄錢文據該撫奏稱現在錢價過賤若如額卯開鑄非特成本折耗抑且搭放不敷辦理諸多窒礙

著照所請准其以十二卯開鑄俟一二年後察看情  
形如銀價漸平仍著添卯加鑄以復舊制餘著照所  
議辦理該部知道欽此

附奏請獎城固縣紳民捐輸海疆經費片子

並清單

再陝省各州縣紳民捐輸海疆經費銀兩前經

奏明截至本年二月內停止嗣因銀限屆期卽將已

到各處截數造冊奏請

恩獎在案茲於三月二十五日據城固縣知縣將紳民

捐輸銀一萬一百兩批解司庫查係該紳民等報

捐在先二月底陸續交縣該縣湊集傾鎔稍需時

日又因離省寫遠山路崎嶇以致轉解遲滯臣思

所捐銀數僅逾萬兩

國家經費固無藉此區區既已解省逾期卽不應再  
爲瀆請惟該紳民情殷報效各竭微貲芹曝之忱  
亦堪嘉尙且實於限前交縣尙非無故遷延若竟  
以後來屏棄通省祇此一縣獨令士庶向隅似非  
推廣

皇仁俯順輿情之道據藩臬兩司酌議分別獎勵具詳  
請



奏前來除捐銀二三百兩及四五百兩者造冊咨部  
照海疆章程辦理外所有捐銀六百兩至一千六  
百兩之紳士相應繕具清單恭呈

御覽可否仰懇

皇上天恩一體賞收俯加獎勵之處出自

鴻慈謹附片陳明伏乞

聖鑒訓示謹

奏

硃批該部議奏欽此

謹將捐輸各紳士銀數并酌擬獎叙等差繕具清單恭呈

御覽

計開

陳嗣業城固縣生員原議叙八品頂帶今捐輸銀一千六百兩擬請

旨以訓導歸部儘先選用

王應日城固縣文童捐輸銀八百兩擬請

旨賞給鹽知事職銜加級爲該生父母

貤封

張照城固縣文童捐輸銀八百兩擬請

旨賞給縣丞職銜

申誥城固縣廩生捐輸銀六百兩擬請

旨以訓導歸部選用

韓秉詮城固縣監生捐輸銀六百兩擬請

旨賞給鹽知事職銜紀錄二次

京員在途患病呈請開缺摺子

奏爲京員在途患病呈請開缺調理仰祈

聖鑒事竊據藩司轉據甯羌州詳據新授通政司參議  
周廷授遣家人呈稱家主周廷授係四川涪州人  
由貴州貴西道奉

旨補授通政司參議當卽交代清楚起程北上詎本年  
三月初六日行至四川廣元縣千佛巖地方驟遇  
風雨衣服均被濕透寒熱大作比因道路偏僻醫

藥維艱連日勉強進行甫抵州城病勢加重延醫  
診視據云寒氣逼入腠理當時失調以致外邪內  
陷浸成癰症必須寬期醫治始可就痊懇祈轉請  
開缺回籍調理等情經州驗明具結詳司請

奏前來臣覆查屬實相應據情奏

聞合無仰懇

天恩俯准參議周廷授開缺回籍調理之處出自  
鴻慈爲此恭摺具

奏伏乞

皇上聖鑒謹

奏 道光二十三年四月十二日具

奏奉

硃批另有旨欽此內閣奉

上諭李星沅奏京員在途患病呈請開缺一摺新授通政司參議周廷授著卽勒令休致該部知道欽此

附奏接護廓爾喀使臣出境日期片子

再廓爾喀進

貢使臣由京起程轉回經臣查照理藩院咨文先期

遴委文武各員分段接替護送茲於三月初七日

該使臣等由陝西潼關廳入境於四月初一日送

出陝境交四川廣元縣接護前進沿途應付妥速

行走安靜理合附片奏

聞謹



奏

硃批知道了欽此

審辦茂倫重犯摺子

奏爲審明因瘋茂倫重犯按律辦理恭摺奏

聞仰祈

聖鑒事竊據華州知州郝昇榮詳報民人武添竭因瘋  
摔跌伊繼母武李氏身死等情臣以案關重大當

卽批飭臬司提省委審茲據委員西安府知府李

希曾督同該州郝昇榮審擬由司解勘前來臣隨

親提犯証悉心研鞫緣武添竭籍隸華州已死武

李氏係伊繼母道光二十一年十月間武添竭忽患瘋病當經李氏延醫調治就痊以後時發時愈因其尙不滋事遂未報官鎖錮二十三年三月二十三日早武添竭瘋病復發由後院漫坡奔赴鄰人武添聲屋後塆上舞跳亂嚷李氏慮其失跌趕攏拉阻被武添竭摔落武添聲院內李氏右腳躑入塆邊裂縫以致踉蹌傷右膝肋相連右腳腕骨折經武添聲武東氏聞鬧先後趨至瞥見一同扶救

向李氏問知情由就近擡至武添聲家并通知李氏母家之姪李青兒前往看明救治罔效延至二十九日下午李氏因傷殞命報州驗訊武添竭瘋迷不能取供詳經提省審辦研訊武添竭目瞪口呆語無倫次加以刑嚇亦不畏懼委係始終瘋迷詰據屍親鄰証人等僉稱武添竭實因瘋發摔跌伊繼母斃命并無串捏裝點情事衆供確鑿案無疑義查律載子毆母殺者凌遲處死又例載子毆

殺母之案無論是否因瘋悉照本律問擬於審明  
後卽恭請

王命正法各等語此案武添竭摔跌伊繼母李氏致傷  
身死雖係瘋發無知惟倫紀攸關自應依律問擬  
武添竭合依子毆殺母者凌遲處死律凌遲處死  
查該州距省雖在三百里以內惟有滄瀾二河阻  
隔臣於審明後恭請

王命飭委臬司傳繩勛會同臣標中軍參將馬輔相將

該犯武添竭押赴市曹凌遲處死仍傳首犯事地方梟示犯妻武東氏鄰佑武添聲地方侯全法於武添竭得患瘋病并不報官鎖錮應照瘋病之人親屬鄰佑人等容隱不報以致殺人照知人謀害他人不卽阻擋首報律杖一百例各杖一百武東氏係婦女照例收贖餘各折責發落無干省釋除將全案供招咨部外理合恭摺具

奏伏乞

皇上聖鑒再此案係照刑部議定章程專摺具奏合併

陳明謹

奏 道光二十三年四月二十七日具

奏奉

硃批刑部知道欽此

恭報二麥約收分數摺子

奏爲恭報陝西省西安等九府州屬二麥約收分數

仰祈

聖鑒事竊照二麥約收分數例應先期恭摺

奏報茲據西安鳳翔漢中同州興安商州邠州乾州  
鄜州九府州將所屬二麥約收分數開摺具報由  
藩司彙詳請

奏前來臣覆加查核統計西安等九府州屬七十二



廳州縣多寡牽算二麥約收七分有餘敬繕清單  
恭呈

御覽至延安榆林綏德三府州屬節氣較遲向來均於  
開報實收分數時一併具報合併陳明理合繕摺  
具

奏伏乞

皇上聖鑒謹

奏 道光二十三年四月二十七日具

奏奉

硃批覽欽此

恭報道光二十二年應徵帶徵錢糧已未完數目

摺子

奏爲陝西省道光二十二年應徵帶徵錢糧已未完  
數目循例奏

聞事竊照向例辦理錢糧奏銷應將每年完欠數目分  
晰具

奏歷經遵照在案茲據布政使陶廷杰詳稱陝西省  
道光二十二年分額徵地丁起存藥味等項共銀

一百六十一萬一十六兩零內已完銀一百六十萬九千四百七十七兩零未完緩徵銀五百三十八兩零又額徵糯米折價銀二千四百三十九兩零全數通完又額徵耗羨銀二十三萬七千三百七十四兩零內已完銀二十三萬七千二百九十三兩零未完緩徵銀八十兩零又額徵起存本色糧一十九萬八千四百五十七石零內已完糧一十九萬七千四百四十六石零未完糧一千一十

石零內除緩徵糧三百八十六石零止未完糧六  
百二十三石零又額徵本色草一萬五千六百三  
十束零全數通完又帶徵道光十三年未完緩征  
糧三千七百八十石零內除緩徵糧三千七百六  
十八石零實止未完一十一石零未完草一千四  
百三十九束零全數緩徵又帶徵道光十五年未  
完緩徵存留正銀五百一十八兩零耗羨銀七十  
七兩零全數緩徵未完糧一千八百四十九石零

內除緩徵糧一千八百四十石零實止未完糧八  
石零未完草一千三百二十七束零全數緩徵又  
帶徵道光十六年未完緩徵起存正銀二千二百  
五十六兩零耗羨銀三百三十八兩零全數緩徵  
未完糧八千二百二十二石零內已完糧一十二  
石零未完糧八千二百九石零內除緩徵糧八千  
一百六十七石零實止未完糧四十二石零未完  
草四千五百七十八束零全數緩徵又帶徵道光

十七年未完緩徵糧四百三十三石零全數緩徵  
又帶徵道光十八年未完緩徵存留正銀三百三  
十七兩零內已完銀五十兩零未完銀二百八十  
六兩零未完耗羨銀五十兩零內已完銀七兩零  
未完銀四十三兩零全數緩徵未完糧八百九十  
九石零內已完糧一百五十石零未完糧七百九十  
三石零內除緩徵糧七百九十二石零實止未完  
糧一石零未完草六百八十一束零內已完草一

百一十束零未完草五百七十一束零全數緩徵  
又帶徵道光十九年未完緩徵起存正銀二千四  
百五十二兩零耗羨銀三百六十七兩零全數緩  
徵未完糧五千七百七十三石零內已完糧二石  
零未完糧五千七百七十一石零內除緩徵糧五  
千七百二十二石零實止未完糧四十八石零未  
完草六千四十束零全數緩徵又帶徵道光二十  
年未完緩徵存留正銀五百一十一兩零耗羨銀



七十六兩零全數緩徵未完糧七百五十三石零  
內已完糧三十石零未完糧七百二十二石零內  
除緩徵糧七百七石零實止未完糧一十五石零  
未完草五百八十束零全數緩徵又帶徵徵完道  
光二十一年緩徵起存正銀六千一百六十二兩  
零耗羨銀九百二十四兩零全數通完未完糧九  
百六十六石零內已完糧八百三十五石零實止  
未完糧一百三十石零全數緩徵等情具詳請

奏前來臣覆核無異除將未完銀糧草束責令該管

府州分別依限催徵完解外理合恭摺具

奏并將已未完數目繕具簡明清單恭呈

御覽伏祈

皇上聖鑒謹

奏  
道光二十三年四月二十八日具

奏奉

硃批戶部知道單併發欽此

查明司庫實存耗羨銀數摺子

奏爲查明司庫實存耗羨銀數循例奏

聞事竊照司庫耗羨收支動存各款例應於奏銷地丁  
錢糧時恭摺具

奏茲查陝西省道光二十二年奏銷冊造司庫現存  
及缺官扣半養廉共銀二十一萬九千二百零除  
將清冊咨部外理合循例具

奏并開繕 單恭呈

御覽伏乞

皇上聖鑒謹

奏 道光二十三年四月二十八日具

奏奉

硃批戶部知道單併發欽此

恭報道光二十二年分徵收新舊錢糧截至奏銷  
以前已未完數目摺子

奏爲陝西省道光二十二年分徵收新舊錢糧截至  
奏銷以前已未完數目開列上三年比較清單恭  
摺具

奏仰祈

聖鑒事竊照前准戶部咨開欽奉

諭旨州縣實徵實解銀數各省督撫於奏銷題報外照

例具奏摺內開具清單明列通省三年比較等因欽  
此嗣又准部咨統以年底截數次年二月春撥時  
開單奏報卽以道光五年春撥爲始遵照辦理六  
年正月復准部咨通年全額錢糧勢難於春撥時  
統行確核行令仍以奏銷截數開單奏報並於單  
內將已完銀數下註明造入春秋撥冊若干頒發  
清單式樣畫一辦理等因茲據布政使陶廷杰詳  
報陝西省道光二十二年分額徵新賦地丁正項

銀一百三十三萬一千四百四十一兩零內除南  
鄭縣豁免銀一兩七錢零止該銀一百三十三萬  
一千四百三十九兩零截至奏銷止已十分全完  
內造入二十二年秋撥銀八十九萬四千九百二  
十四兩零二十三年春撥銀四十三萬七十三兩  
零實貯庫銀六千四百四十二兩零俟二十三年  
秋撥冊內造報候撥又帶徵十六年未完緩徵地  
丁銀四百六十五兩零因榆林懷遠神木三縣二

十二年秋收復歉展緩至二十三年秋後啟徵又帶徵十九年未完緩徵地丁銀七百一十二兩零因榆林神木府谷三縣二十二年秋收復歉展緩至二十三年秋後起徵是以截至二十二年奏銷止均仍未完又帶徵二十一年未完緩徵地丁銀五千九百七十八兩零截至二十二年奏銷止已十分全完造入二十三年春撥冊內報撥訖等情具詳前來

臣

逐細覆核無異除將未完緩徵銀兩



俟屆期另行催解並咨明戶部外所有應徵新賦  
銀兩十分全完並帶徵十六十九二十一等年舊  
賦銀兩截至奏銷止已未完緣由理合恭摺具  
奏敬繕比較細數清單恭呈

御覽伏祈

皇上聖鑒謹

奏 道光二十三年四月二十八日具

奏奉

硃批戶部知道單併發欽此

籌議撫標撥增兵額留添外委摺子

奏爲撫標撥增兵額籌擬留添外委以資教演而重

操防恭摺奏祈

聖鑒事竊

臣

接准督

臣

轉准兵部咨開欽奉

上諭穆彰阿等奏遵旨會議裁撤西安鎮總兵移置天津一摺陝西西安鎮總兵著卽照議裁撤移置天津以抵新設通永鎮總兵之缺其西安鎮裁出兵一千六百餘名准其撥歸撫標兵一千二百名并准其添

設中營卽將原設左營參將改爲撫標中軍原設右營遊擊改爲左營遊擊應設右營遊擊卽以鎮標左營遊擊改撥其鎮標餘兵四百餘名准其歸併西安城守營原設城守營參將著改爲副將等因欽此欽

遵并錄部文咨送到

臣

除西安城守營向隸督

臣

統轄應由督

臣

查辦外所有分撥撫標兵丁經

臣

移行調任總兵

臣

台湧遵辦去後茲據該總兵將

鎮標三營馬步戰守各兵撥歸撫標一千二百名

并軍裝馬匹錢糧等項備冊移交前來臣卽飭委撫標參將馬輔相西安府知府李希曾一面點驗確收據實呈報候臣覆核查此案先准督臣咨商以撫標舊有之守備千總經制額外外委等官仍隨本管參遊移設中左兩營其右營應需備弁亦卽於鎮標酌撥守備千總各一員把總經制額外外委各四員統隨右營遊擊一併移設分派已極周妥惟當整飭營伍之際臣恪遵

殊諭節經嚴飭操防躬親訓練并加演擡礮擡槍務期  
精益求精屏繁文而收實效各將備職司督率責  
無可辭至分起講求逐名嫻習則在干把以下與  
兵較親收效較速節制之法實始於此且撫標從  
前額兵一千零六十五名核計左右兩營各止管  
兵五百餘名尙設千總四員把總八員經制額外  
外委其十六員今撥歸鎮兵一千二百名合其兵  
二千二百餘名中軍參將則管兵八百名左右兩

營遊擊亦各管兵七百餘名較從前額兵均增至數百餘名若如原議移設千把殊覺不敷管束第千把廉俸較費現據直隸新添鎮缺尙少千總一員把總二員陝省更未便議增致礙營制臣通盤籌畫體察情形查西安鎮標多裁經制外委四員額外外委六員甫奉部議全行裁汰可否仰懇

聖恩俯准酌留經制外委三員添設撫標中左右三營并留額外外委四員添設中左兩營各一員右營

二員俾令協同教演指臂相助洵於營務有益如  
蒙

俞允所需廉俸馬乾等銀均可仍循其舊毋庸另籌除  
將參遊都守干把外委等印信鈐記應繳應鑄及  
一切未盡事宜分別題咨核辦外所有擬添外委  
等弁緣由謹會同陝甘督臣富呢揚阿合詞恭摺  
具

奏是否有當伏乞



皇上聖鑒訓示謹

奏 道光二十三年五月二十六日具

奏奉

硃批另有旨欽此內閣奉

上諭李星沅奏撫標撥增兵額請留添外委一摺陝省  
撫標現在撥添兵數較從前原額多至一倍有餘據  
該撫奏稱原議移設員弁不敷管束著准其將西安  
鎮標所裁經制外委四員酌留三員添設中左右三

營并將所裁額外外委六員酌留四員添設中左兩  
營各一員右營二員以資教演餘著照所議辦理該  
部知道欽此

揀員請升要缺知州摺子

奏爲揀員請升北山要缺直隸州知州仰祈

聖鑒事竊照鄜州直隸州董淦經

臣

奏請勒令休致所遺員缺係繁疲難兼三例應在外  
揀員升調該州地處北山界連甘肅五方雜處訟  
獄繁多所轄三縣均資督率稽查必須精明幹練  
之員方足以資整頓

臣

與藩臬兩司在通省直隸

州知州及同知並府屬知州內逐加遴選非現居

要缺卽人地未宜實無合例堪調之員惟查有咸陽縣知縣徐葆甫年五十四歲浙江海鹽縣人由拔貢

朝考二等奉

旨以知縣用欽此籤掣陝西道光七年四月到陝

題署蓋屋縣知縣十五年四月到任試署期滿奉文

實授二十一年保舉奉

硃筆圈出調取於二十二年五月引

見奉

旨著回任旋調今職因先在盩厔縣任內經徵地丁錢糧三載全完奉准部咨不論俸滿卽升該員守潔才明精勤果決且係照例卽升之員任內并無違礙處分以之升補鄜州實屬合例亦堪勝任據藩臬兩司會詳請

奏前來合無仰懇

天恩勅部核覆准以咸陽縣知縣徐葆甫升補鄜州直

隸州知州實於北山要地大有裨益如蒙

俞允該員保舉引

見未及一年可否免其赴部引

見之處伏候

欽定至所遺咸陽縣知縣係衝繁難要缺容再揀員調

補合併陳明所有請升要缺直隸州知州緣由謹

會同陝甘督臣富呢揚阿合詞恭摺具

奏伏乞

皇上聖鑒訓示謹

奏 道光二十三年五月二十六日具

奏奉

硃批另有旨欽此內閣奉

上諭李星沅奏揀員升補要缺直隸州知州一摺著照  
所請陝西鄜州直隸州知州員缺准其以徐葆甫升  
補毋庸送部引見該部知道欽此

恭報本年錢糧現已徵完過半摺子

奏爲本年錢糧現已徵完過半循例恭摺奏祈

聖鑒事竊照嘉慶八年五月經戶部奏准令各省於每  
年五月將徵完舊欠及當年新賦錢糧徵完若干  
專摺奏明等因查徵完舊欠錢糧數目業經臣於  
本年奏銷時具摺

奏明在案茲據布政使陶廷杰詳稱道光二十三年  
分應徵錢糧額徵民屯更起運存留其銀一百六



十二萬二千七百七十三兩零內除存留銀二十  
八萬三千四百三十五兩零實徵解起運銀一百  
三十三萬九千三百三十七兩零計自二月開徵  
起至五月止現已解貯司庫銀九十萬一百七十  
三兩零統核徵解新賦計六分七釐有餘已逾上  
忙應徵一半之數仍未完銀四十三萬九千一百  
六十四兩零等情臣覆核無異除飭將未完銀兩  
於秋徵時責令該管道府州督催徵解依限全完

外所有道光二十三年額徵錢糧已未完數目理  
合循例具

奏伏乞

皇上聖鑒謹

奏 道光二十三年五月二十八日具

奏奉

硃批戶部知道欽此

恭報本年上忙徵收新舊錢糧已未完數目摺子  
奏爲本年上忙徵收新舊錢糧已未完數目循例恭  
摺奏祈

聖鑒事竊照嘉慶二十年六月內經戶部奏准行令各  
省於每年上下忙應徵錢糧除留支外實應解司  
銀數分別正課雜項依限詳報督撫二十日內專  
摺具奏等因茲據藩司陶廷杰詳報道光二十三  
年分額徵民屯更起存并糧折價除屯丁兌食外

其銀一百六十二萬二千七百七十三兩零內除  
存留銀二十八萬二千四百三十五兩零止該解  
司銀一百三十三萬九千三百三十七兩零計自  
二月開徵起至上忙截數止已完解司銀九十萬  
一百七十三兩零未完銀四十三萬九千一百六  
十四兩零又原額鹽課銀八千九百八十兩零今  
上忙已完解司銀一千一百五十八兩零未完銀  
七千八百二十二兩零又帶徵道光二十二年原

未完起運銀六千四百四十二兩零鹽課銀二千三百一十兩零今已全數通完又帶徵道光十九年原未完緩徵起運銀七百一十二兩零又帶徵道光十六年原未完緩徵起運銀四百六十五兩零因榆林懷遠神木府谷等縣二十二年秋收復歉亦經

奏明均展緩至本年秋後啟徵等情具詳前來臣覆核無異除將未完銀兩責令該管府州於下忙秋

徵時督催依限完解外所有道光二十三年徵收  
新舊錢糧已未完數目理合循例具

奏伏乞

皇上聖鑒謹

奏 道光二十三年五月二十八日具

奏奉

硃批戶部知道欽此

揀員請補長安縣知縣摺子

奏爲揀員調補省會首邑要缺知縣仰祈

聖鑒事竊照長安縣知縣武訪疇經

臣

奏升孝義廳同知業蒙

俞允所遺長安縣係衝繁疲難相兼要缺例應在外揀

員調補查該縣爲省會首邑政務殷繁且時有委

審案件必須精明幹練之員方足以資治理

臣與

藩臬兩司在於通省知縣內逐加遴選非現居要

缺卽人地未宜實無合例堪以調補之員惟查有  
南鄭縣知縣陳捷魁年五十歲福建舉人大挑知  
縣籤掣陝西道光十一年三月到省十三年十月  
題署白水縣知縣調補今職十九年三月到任二十  
年因倡捐督修漢中府城完竣保奏奉

上諭准以倡捐銀三千兩以上督修郡城之南鄭縣知  
縣陳捷魁給予六品頂戴欽此該員年富才穩勤慎  
精詳歷俸已滿三年以之調補長安縣知縣實堪



勝任惟南鄭縣甫經改繁該員請調長安縣係以  
繁調繁與例稍有未符但長安係省會首邑較南  
鄭尤爲緊要人地實在相需例得專摺陳奏據藩  
司陶廷杰臬司傅繩勛會詳請

奏前來合無仰懇

皇上天恩俯念省會首邑要缺需員

勅部核覆以南鄭縣知縣陳捷魁調補長安縣知縣於  
地方實有裨益如蒙

俞允該員以知縣調補知縣銜缺相當毋庸送部引

見至該員任內罰俸銀兩已照數完繳另行咨銷所遺

南鄭縣係新改衝繁難要缺容另遴員調補合併

陳明謹會同陝甘督

臣

富呢揚阿合詞恭摺具

奏伏乞

皇上聖鑒訓示謹

奏 道光二十三年五月二十八日具

奏奉

殊批另有旨欽此內閣奉

上諭李星沅奏請揀員調補省會要缺知縣一摺著照  
所請陝西長安縣知縣員缺准其以陳捷魁調補該  
部知道欽此